

Aso sapalai: Paracetamol fa'asuāvaia 120 mg i le 5 mL

Mai ia Ianuari 2023, o le 'a maua se ituaiga fou o le paracetamol fa'asuāvaia 120 mg i le 5 mL. O le Ethics paracetamol o le 'a suitulaga ai le paracetamol fa'asuāvaia o le Paracare ma le Avallon.

(Ta'u 'pa-ra-SI-ta-mol')

O le paracetamol fa'asuāvaia e masani ona fa'aaogāina mo le fiva ma mea tīgā, aemaise i tamaiti.

O le ā le eseese o le Ethics paracetamol?

O le Ethics paracetamol e tau lanu pa'epa'e ma e strawberry lona tofo. E tutusa le aofaiga o mea o loo fai ai ma e tutusa foi lona aogā e pei o isi ituaiga ua mavae.



Fa'amatalaga

O mea o loo fai ai e pei o tofoga ma le fa'asumalieina e ono eseese. Afai e iai ni au fesili e uiga i nei mea, talanoa i lau foma'i, tausisoifua poo le foma'i talavai.



E ono tutusa le lanu ma le tofo o vaila'au fa'asuāvaia eseese. Ia faitau lava fa'atonuga ma fa'ainu lou alo i le inumaga sa'o. 'AUA ne'i fa'alagolago i le lanu, manogi poo le tofoga.

O le ā tele o le paracetamol ou te fa'ainuina ai la'u tama?

- E fuafua lava le inumaga o le paracetamol i le mamafa o le tino o lou alo.
- Fua le mamafa o lou alo MA siaki le malosi o le paracetamol o loo ia te oe.
- Fa'aaogā le siata leni e maua ai le inumaga sa'ō.

A'ō le'i fa'ainuina le paracetamol a lou alo:

- Siaki poo manaomia pea e lou alo.
- Fa'atali mo le ta'i 4 itula o inumaga.
- 'AUA ne'i sili atu ma le 4 inumaga i totonu o le 24 itula.
- Siaki le aso e fa'aleaogāina ai.
- 'Aua ne'i fa'aaogāina fa'atasi ma nisi fuāla'au ma vaila'au e iai le paracetamol.



E taūa lava ona 'aua ne'i sili atu ma le inumaga fa'atagaina i aso ta'itasi e fa'ainu ai lou alo. Afai ua tele se inumaga a lou alo – i le taimi lava e tasi poo ua sosoo ni aso – e ono fa'aleagaina e le paracetamol lona ate.

Siata o le inumaga o le paracetamol

Mamafa o le tamaitiiti	120 mg i le 5 mL
Lalo ifo ma le 5 kg	Fesili i lau foma'i poo le foma'i talavai
5 kg	3 mL
6 i le 7 kg	3.5 mL
8 i le 9 kg	5 mL
10 i le 12 kg	6 mL
13 i le 14 kg	8 mL
15 i le 16 kg	9.5 mL
17 i le 18 kg	10.5 mL
19 i le 20 kg	12 mL
21 i le 22 kg	13 mL
23 i le 25 kg	14.5 mL
26 i le 28 kg	16.5 mL
29 i le 32 kg	18 mL
33 i le 36 kg	20.5 mL
37 i le 41 kg	23 mL
42 i le 60 kg	26 mL
Sili atu ma le 60 kg	30 i le 40 mL

i Mo nisi o fa'amatalaga e uiga i le paracetamol fa'asuāvaia asiasi ane pharmac.govt.nz/paracetamol-liquid